

Ionad na dTeangacha
Ollscoil na hÉireann, Má Nuad

Teastas Eorpach na Gaeilge

Bonnleibhéal 2 (A2)

Scrúdú samplach

Scrúdú Cainte



An Scrúdú Cainte

Cártaí an Scrúdaitheora

Tá 35% de mharc iomlán an scrúdaithe ag dul don Scrúdú Cainte.
Tá trí chuid sa scrúdú:

CUID 1 3-4 nóiméad.

- **An réamhchaint** (gan marc ar bith)
Chun na hiarrthóirí a chur ar a suaimhneas.

Dia duit.

Dia is Muire duit.

Cad é mar atá tú?

An bhfuil tú go maith?

Cad is ainm duit?

Tá sé deas bualadh leat.

Tá lá breá ann, nach bhfuil?

Tá drochlá ann. / Tá sé fuar/te/fliuch.

- **Ceisteanna sa scrúdú féin**

Déanfaidh an scrúdaitheoir ceisteanna a roghnú ó roinnt de na topaicí a clúdaíodh i Siollabas A1 agus Siollabas A2. Seo thíos samplaí de na cineálacha ceisteanna a chuirfear:

Cén tslí bheatha atá agat?

An dtaitníonn an post leat?

Conas a théann tú ag obair gach lá?

Cá bhfuil tú i do chónaí?

Cad iad na rudaí a thaitníonn leat faoin áit?

Céard a dhéanann tú nuair a bhíonn am saor agat?

An bhfuil tú i do bhall d'aon chlub nó d'aon chumann?

An ndearna tú aon rud ag an deireadh seachtaine?

An ndéanann tú mórán taistil?

Cá bhfuil tú ag dul ar laethanta saoire i mbliana?

An duine aclaí tú?

An maith leat bheith ag snámh?

CUID 2 2-3 nóiméad

Rólghníomhaíocht

Tabhair cárta 1 nó 2 don iarrthóir 5 nóiméad sula dtosóidh an scrúdú cainte. Tá dhá chárta ann ar fad (1) **Cuntas ar dhuine** agus (2) **Laethanta saoire**. Déan cinnte go bhfuil an cárta atá agatsa ag freagairt do chárta an iarrthóra.

Níor cheart do na hiarrthóirí scríobh ar na cártaí agus **beidh ort na cártaí a bhailiú ag deireadh an scrúdaithe**.

.....

Rólghníomhaíocht 1 Cuntas ar dhuine

- Tá cur síos anseo ar fhear a bhfuil aithne agatsa air agus ar bhean a bhfuil aithne ag an iarrthóir uirthi.
- Tosaigh **thusa** agus cuir ceisteanna ar an iarrthóir faoin bhean. Féach an comhrá samplach thíos.
- Nuair a bheidh an méid sin déanta, tabhair deis don iarrthóir ceisteanna a chur ortsa mar gheall ar an fhear a bhfuil cur síos air le fáil ar do chárta

Cárta an iarrthóra

<p>Aoife Ní Bhaoil</p> <ul style="list-style-type: none">• Cuma: ard / dathúil• Gruaig: gearr / catach• Clann: 1 mac / 2 iníon• Post: cuntasóir• Áit oibre: comhlacht / Corcaigh• Caitheamh: spórt (peil / galf) aimsire
--

<p>Comhrá samplach</p> <p>S: Anois, inis dom faoi Aoife. Cén chuma atá uirthi?</p> <p>I: Tá sí ard agus dathúil agus tá gruaig ghearr chatach uirthi.</p> <p>S: Agus an bhfuil páistí aici?</p> <p>I: Tá. Tá mac amháin agus beirt iníonacha aici.</p> <p>S: Cén obair a dhéanann Aoife?</p> <p>I: Is cuntasóir í.</p> <p>S: Agus cá bhfuil sí ag obair?</p> <p>I: Tá sí ag obair le comhlacht i gCorcaigh.</p> <p>S: Go maith, agus inis dom cén caitheamh aimsire atá aici?</p> <p>I: Is breá léi spórt. Imríonn sí peil agus galf go minic ag an deireadh seachtaine.</p>

Cárta an scrúdaitheora

<p>Eoin Ó Dúill</p> <ul style="list-style-type: none">• Cuma: beag / féasóg• Gruaig: rua/díreach• Clann: 3 mac / 0 iníon• Post: iriseoir• Áit oibre: nuachtán / Béal Feirste• Caitheamh: taisteal / iascaireacht aimsire
--

Rólghníomhaíocht 2 Laethanta saoire

- Tá eolas anseo faoi laethanta saoire a bhí ag an iarrthóir agus faoi laethanta saoire a bhí agatsa.
- Tosaigh thusa agus cuir ceisteanna ar an iarrthóir faoin tsaoire a bhí aige/aici. Féach an comhrá samplach thíos.
- Nuair a bheidh an méid sin déanta, tabhair deis don iarrthóir ceisteanna a cur ortsa faoin tsaoire a bhí agatsa.

Cárta an iarrthóra

Laethanta saoire	
Áit?	An Iodáil
Cén fhad?	Seachtain (Lúnasa)
Lóistín?	Árasán
Cé a bhí leat?	2 cara + deirfiúr
Rudaí a thaitin leat?	Bia...aimsir...
Rudaí a rinne sibh?	Siopaí...ceolchoirm...



Cárta an scrúdaitheora

Laethanta saoire	
Áit?	Sasana (Londain)
Cén fhad?	Coicís (mí Iúil)
Lóistín?	Óstán
Cé a bhí leat?	2 mac + 1 iníon
Rudaí a thaitin leat?	Daoine...bialanna...
Rudaí a rinne sibh?	Amharclann...séipéil...

Comhrá samplach

S: An raibh tú ar laethanta saoire an bhliain seo caite?
I: Bhí. Bhí mé san Iodáil.
S: Ó, go deas. Cén fhad a bhí tú ansin?
I: Bhí mé ann ar feadh seachtaine i mí Lúnasa.
S: Agus ar fhan tú in óstán?
I: Níor fhan. Bhí árasán ar cíos againn.
S: Agus an raibh aon duine leat?
I: Bhí beirt chara agus mo dheirfiúr liom.
S: Inis dom, cad iad na rudaí a thaitin leat faoin tsaoire?
I: Bhuel, bhí an bia an-deas agus bhí an t-ádh orainn mar bhí an aimsir go hálainn an t-am ar fad.
S: Cad a rinne tú ansin?
I: Thaitin na siopaí go mór liom agus chuaigh mé ag siopadóireacht cúpla lá. Ansin chuaigh mé chuig ceolchoirm chlasaiceach oíche amháin agus bhí sé sin go hiontach ar fad.

CUID 3 2- 3 nóiméad

Cur síos ar shraith pictiúr

- Tabhair an bhileog ar a bhfuil na pictiúir do gach iarrthóir.
- Tabhair nóiméad amháin dóibh le breathnú ar na pictiúir sula ndeir tú leo: ‘Inis dom faoi laethanta saoire Aoife.’
- Má bhíonn deacracht acu le pictiúr ar bith, is féidir ceist a chur orthu faoin phictiúr sin nó an chéad phictiúr eile. Bain úsáid as ceist mar seo: ‘Agus céard atá ar siúl acu sa phictiúr seo?’


An Scrúdú Cainte (Cuid 2)

Cárta an Iarrthóra

Rólghníomhaíocht 1 (Cuntas ar dhuine)

- Seo thíos cur síos ar Aoife Ní Bhaoill, bhean a bhfuil aithne agat uirthi.
- Cuirfidh an scrúdaitheoir ceisteanna ort faoi Aoife. Freagair na ceisteanna sin.
- Tá cur síos ag an scrúdaitheoir ar fhear, Eoin Ó Dúill. Cuir thusa ceisteanna ar an scrúdaitheoir faoi Eoin.

Aoife Ní Bhaoill	
• Cuma:	ard /dathúil
• Gruaig:	gearr / catach
• Clann:	1 mac / 2 iníon
• Post:	cuntasóir
• Áit oibre:	comhlacht / Corcaigh
• Caitheamh:	spórt (peil / galf) aimsire




An Scrúdú Cainte (Cuid 2)

Cárta an Iarrthóra

Rólghníomhaíocht 2 (Laethanta saoire)

- Féach ar an eolas ar an chárta thíos.
- Cuirfidh an scrúdaitheoir ceisteanna ort mar gheall ar na laethanta saoire a bhí agat. Freagair na ceisteanna sin.
- Tá cárta eile ag an scrúdaitheoir faoi na laethanta saoire a bhí aigesean/aicise. Cuir thusa ceisteanna ar an scrúdaitheoir faoi na laethanta saoire sin.

Laethanta saoire	
Áit?	An Iodáil
Cén fhad?	Seachtain (Lúnasa)
Lóistín?	Árasán
Cé a bhí leat?	2 cara + deirfiúr
Rudaí a thaitin leat?	Bia...aimsir...
Rudaí a rinne sibh?	Siopaí...ceolchoirm...



An Scrúdú Cainte (Cuid 3)

Laethanta saoire Aoife

Tá nóiméad amháin agat le féachaint ar na pictiúir thíos.

Ansin, cuirfidh an scrúdaitheoir ceist ort 'Inis dom faoi laethanta saoire Aoife'.

